

玄覽堂叢書

第四冊

太史公集解



裔乘西夷卷之三

閩漳浦楊一葵翹卿父著

西番

西番古吐蕃地其先三苗氏之裔也凡百餘種
後為西戎又曰西羌散處河湟江岷間舜時徙
三苗於三危三危太肅州數百里南接蜀漢徼
外蠻夷西北接高昌諸國昔成湯伐畎夷武丁
伐鬼方季歷伐西洛余無始呼翳徙諸戎在文

王時戎狄賓服武王時羗髡率師會於牧野宣
王時戎殺秦仲秦莊公破之幽王時申侯與戎
共攻殺王秦襄公伐之及平王遷都洛邑避犬
戎難於是戎逼諸夏自隴山以東及乎伊洛往
徃戎夏雜居故有狄獯戎邽冀戎豳渠戎大荔
戎驪戎陸渾戎陰戎蠻氏戎伊洛間有楊拒泉
皐戎春秋時間在中國與諸夏盟會後邽冀戎
為魯莊公所滅驪戎為晉獻公所滅唯伊洛戎

最強侵曹魯入王城秦晉伐之浹二年復與襄
王弟叔帶謀伐襄王齊桓公使管仲平之其浹
趙滅北夷秦滅大荔其遺脫者皆逃走西踰汧
隴於是中國無戎惟義渠存焉義渠勢力強悍
築城稱王秦輒為其所敗秦昭王時義渠王來
朝與昭王毋宣太后通生二子浹宣太后誘殺
義渠王因起兵滅之始置隴西北地上郡云至
漢而西戎之種復盛先是戎人有爰劍者為秦

厲公奴隸後亡歸偶與剽女遇於野遂為夫婦
女恥其狀被髮覆其面羗人因以為俗相與亡
入賜支河湟間諸羗推以為豪於是教羗田畜
依附日衆爰劒死四世有曰忍曰舞曰印者各
有子十餘人自為種於是苗裔漸熾至有百五
十餘種或在賜支河西或在蜀漢徼北其名號
難以盡述而中惟燒當先零鍾羗參狼為強燒
當者忍第十四孫也最豪健故其子孫世以燒

當為號後始皇築長城及漢武築令居塞置張

掖

古昆邪王地漢置張掖郡甘州衛

酒泉

古月支地漢置郡今肅州衛

燉煌

古瓜州地漢置郡今沙州衛

武威

古休屠地漢置郡宋西涼府今涼衛

四郡隔

絕羗胡於是累世服從西陲得安獨先零結諸

羗數數為寇盜不絕及趙充國降先零馮奉世

降之姐諸羗四夷賓服者數十年王莽篡位羗

復入寇建武中來歙馬援等破降之徙置天水

隴西扶風三郡中元初燒當羗滇吾與弟滇岍

寇隴西塞滇吾者滇良子也討之不免至永平
初竇固馬武等大破之無何滇岬滇吾詣闕路
而滇吾子東吾東吾子東號東號子麻奴俱入
居安定世世奉約束如故獨東吾諸弟迷吾號
吾等結諸羗為邊患永初中麻奴逃出塞而諸
亡羗轉相嘯聚遂附滇零鍾羗諸種大肆寇掠
揭木為兵負柴為械勢猖獗甚郡縣不能制更
招集參狼上郡西河諸種東犯趙魏南入益州

遂寇三輔斷隴道破郡縣滇零自稱天子鄧騭
任尚任仁段熲段崇等討之兵輒挫蓋馮陵若
斯之熾也已而滇零死子零昌立零昌年幼而
同種狼莫為之畫策輒入寇漢兵久不利任尚
以輕騎擊之而張裔招誘叛羗稍稍有降者頃
之種名號封者以殺零昌封王全無種名雕何
者以殺狼莫封侯而諸種之掠巴漢者程信等
大擊破之於是諸羗瓦解而三輔益州無寇患

矣永寧以返東西羗大合而燒當先零沈氏牢
姐諸種相繼入寇叛服靡常自是而後其種號
世次莫可得而考云晉懷帝時爰劍之後赤亭
羗姚弋仲東徙榆眉戎夏泛之者數萬而子襄
及萇俱豪邁多勇畧弋仲病謂其子襄中原無
主汝亟歸晉無為不羨及卒而襄遂率衆來歸
詔屯譙城會殷浩惡其強盛屢遣刺客刺之不
諧又潛遣魏憬襲之不克襄已心銜之無何浩

伐秦以襄為前驅襄偽遜伏甲邀之反攻浩於
山桑浩大敗乃以桓溫督諸軍討襄襄連戰敗
退奔平陽招納叛民于是有圖關中之志矣秦
遣兵攻斬襄襄弟萇以衆降秦先是燕慕容暉
降秦秦遷暉并鮮卑衆四萬餘戶於長安及莫
容泓起兵攻集鮮卑衆勢甚盛秦遣苻融擊泓
以姚萇為司馬萇諫融曰鮮卑皆有思歸之志
故起而為亂宜驅令出關不可遏也融不從果

敗歿堅大怒欲殺萇萇奔渭北糾扇羗蒙五萬
餘家自號秦王羗胡降者十餘萬會秦苻堅攻
西燕敗奔五將山萇遣人縊殺之遂取長安稱
帝而勢愈昌熾萇卒子興立興卒子泓立劉裕
遣王鎮惡討降之裕至長安斬泓而姚秦氏亡
矣初魏晉時西羗為吐谷渾所併至隋而吐谷
渾哀西羗地有党項有大羊同有鄧至有宕昌
有悉立有章求拔有泥婆羅有蘇毗有白蘭有

吐蕃諸種而惟党項吐蕃為大唐初吐蕃遂併
諸種而盡有其地焉吐蕃祖曰鶻提勃悉野南
涼禿髮利鹿孤之後也二子曰樊尼曰偃檀偃
檀為乞佛熾盤所滅樊尼率殘衆歸沮渠蒙遜
以為臨松太守及蒙遜滅樊尼率兵西濟河逾
積石遂撫有群羗云其俗謂強雄曰贊文夫曰
普故號君長曰贊普其後數傳而至弄贊又名
棄蘇農亦號弗夜氏其為人慷慨才雄西域諸

國皆附之太宗貞觀八年始遣使者來朝帝遣
行人馮德遐持書撫諭奚贊聞突厥吐谷渾並
得尚公主乃奉幣求婚帝不許使者還妄語曰
天子遇我厚幾得公主會吐谷渾王入朝遂不
許殆有以間我乎奚贊怒率羊同共擊吐谷渾
吐谷渾敗走青海之陰又攻党項白蘭羗破之
勒兵二十萬入寇松州命使者貢金甲且言迎
公主曰公主不至我且深入遂敗都督韓威屬

羗皆叛應之唐乃遣侯君集執失思力牛應達
劉蘭等四道出兵討之斬首千級王贊始惧引
太遣使謝罪固請婚許之乃獻黃金五千兩他
實稱是以為聘十五年詔以宗女封文成公主
妻之江夏王道宗持節護送王贊至栢海親迎
見道宗執婿禮甚恭自以其先未有婚帝女者
乃為公主築一城立宮室以誇後世因遣諸豪
子弟入國學習詩書又請儒者典書疏永徽初

美贊死無子立其孫噐弩悉美幼祿東贊相之
既而破吐谷渾慕容諾曷鉢與弘化公主引殘
落走涼州踰年祿東贊死其子曰欽陵曰贊婆
曰悉多曰勃論祿兄弟並當國自是歲入寇盡
破有諸羗羈縻十二州復入羈縻十八州率于
闐取龜茲撥換城於是安西四鎮並廢詔遣將
薛仁貴阿史那道真等率兵十餘萬往討并護
吐谷渾還國至大非川為欽陵所敗吐番遂戒

吐谷渾而盡有其地高宗上元初遣大臣論吐
羅渾彌來請和且求與吐谷渾收好帝不聰明
年攻鄯廓河芳疊扶六州唐遣將李敬玄李孝
逸劉審禮等擊之皆無功黑齒常之率士五百
夜斧其營虜驚自相輔藉而死者甚衆乃引去
儀鳳初大首領贊婆素和貴率兵三萬攻河源
屯良非川黑齒常之擊走之遂擢常之為河源
經畧大使乃嚴烽邏開屯田虜謀稍折初劔南